

## Fundargerð 4. fundar í flugvirkarráði

Fundur var haldinn í flugvirkarráði miðvikudaginn 2. september kl 14.30 – 16.00 í fundarsalnum Sölvhólsvör í Innanríkisráðuneytinu Sölvhólsgötu 7 Reykjavík.

Viðstaddir: Pétur K. Maack (PKM), Friðfinnur Skaftason (FS), Halla Sigrún Sigurðardóttir (HSS), Karen Bragadóttir (KB) staðgengill Kára Gunnlaugssonar (KG), Auður Lilja Arnþórsdóttir (ALA), Haraldur Briem (HB), Hildur Reykdal (HR), Jón Pétur Jónsson (JPJ) staðgengill Sigríðar Bjarkar Guðjónsdóttur og Ómar Sveinsson (ÓS) sem fundarritari.

Fjarverandi: Kári Gunnlaugsson, Sigríður Björk Guðjónsdóttir, Björn Óli Hauksson, Sólveig Jóhanna Guðmundsdóttir

### Dagskrá

1. Fundargerð síðasta fundar
2. Staða og viðbúnaður vegna ebólu-faraldurs – sóttvarnarlæknir, Embætti landlæknis
3. Önnur mál

**PKM** leggur til að varaformaður stýri fundi og farið yrði yfir verkefnaáætlun Flugvirkaráætlunar 2014 undir önnur mál.

### 1. Fundargerð síðasta fundar

Fundargerð síðasta fundar samþykkt

### 2. Staða

**HB** upplýsti um að góð vinna hafi verið unnin undanfarið og sagði frá ebólufaraldri sem er í miklum vexti í V-Afríku ríkjum. Á fjórða þúsund hafa sýkst og um helmingur látist. Íslendingar eru víða og þar á meðal í V-Afríku. Helstu leiðir ebólu til Íslands er með þessum Íslendingum, almennum farþegum sem koma til Íslands í millilandaflugi og svo með fólki sem kemur til KEF um borð í flugvél sem lendir þar af neyðarástæðum. Unnið er að gerð viðbragðsáætlunar.

### Viðbragðsáætlun og leiðbeiningar

Embætti landlæknis, sóttvarnarlæknir hefur gefið út leiðbeiningar fyrir Keflavíkurflugvöll/ Leifstöð og flugrekstraraðila vegna ebólusýkingar. Hinsvegar er viðbragðsáætlun fyrir Ísland enn í vinnslu. Sú viðbragðsáætlun þarf að vera í samræmi við kröfur alþjóðaheilbrigðis-reglugerðarinnar og þarf að samþykkja af stjórnvöldum. Fulltrúar lögreglu og tolls bentu á að skilgreina þyrfti hlutverk aðila skv. leiðbeiningunum, en embættin hafa fengið fræðslu hjá Heilbrigðisstofnun Suðurnesja í notkun búnaðar. Tryggja þurfi að allir aðilar sem koma að þjónustu við flugvélar s.s. þeir sem sjá um þrif á flugvélum fái leiðbeiningar.

## Aðstaða

Isavia hefur boðið aðstöðu á austursvæði Keflavíkurflugvallar þar sem hægt væri að einangra flugvél með sýkta farþega. Hinsvegar hefur Isavia ekki enn komið upp aðstöðu í flugstöðinni sjálfri en lögreglan hefur bent á að mikil þörf sé á því m.a. í tilfellum þegar sýktur farþegi uppgötvast í stöðinni. Gert er ráð fyrir að allri flugumferð með/eða vegna sýktra einstaklinga verði beint til Keflavíkurflugvallar en komi ekki til annarra flugvalla.

Formaður flugvirkтарыáðs ítrekar að ráðið styðji að hraða lausn á ásættanlegri aðstöðu til að einangra flugvélar og farþega.

## Samskipti við flugrekendur

Varðandi útgáfu leiðbeininga sóttvarnarlæknis og miðlun þeirra til flugrekenda er Samgöngustofa skilgreind sem sá opinberi aðili sem sér um samskipti við íslenska flugrekendur. Þeir flugrekendur sem eru aðilar að IATA, alþjóðasamtökum flugrekenda fá einnig leiðbeiningar frá IATA.

## Æfing

Aðilar voru sammála um að sóttvarnarlæknir myndi halda skrifborðsæfingu þar sem, viðbrögð við ímynduð tilfelli sýkingar yrðu æfð (hermun).

## Samantekt

PKM tók saman helstu atriði sem rædd voru:

1. Halda yrði áfram með þá vinnu sem byrjað væri á
2. Embætti landlæknis, sóttvarnarlæknir er sá aðili sem ber ábyrgð á vinnunni
3. Fyrirhuguð er æfing
4. Fulltrúi Isavia var því miður ekki á fundinum og vill ráðið ítreka við félagið að þau mál sem er í höndum félagsins og snúa að viðbrögðum við ebólu faraldri fái skjóta og farsæla lausn.
5. Samgöngustofa sér um að upplýsa íslenska flugrekendur
6. Ef einhverjar athugasemdir eru við leiðbeiningarnar þurfa þær að koma sem fyrst fram

## 3. Önnur mál

PKM fór yfir verkefnaáætlun Flugvirkтарыáætlunar 2014 og ítrekaði við úrvinnsluaðila að ljúka þeim á settum tíma.

Umræða var einnig um hvort mannabreytingar hjá Lögreglunni á Suðurnesjum myndi hafa áhrif á skipun í ráðið. FS mun skoða málið.

ALA benti á að bæta þyrfti aðstöðu á Keflavíkurflugvelli fyrir dýr í millilendingu og við móttöku á dýrum. Nauðsynlegt væri að fá útisvæði þar sem dýrin geta gert þarfir sínar, bæði þau sem eru í millilendingu og þau sem eru að koma til landsins eftir langt flug.

Næstu fundur vegna flugvirkтарыáætlunar 2015 verður haldinn 25. nóvember nk. kl. 1400 í nýju húsnæði Samgöngustofu að Ármúla 2. Samgöngustofa mun boða fundinn